

## Oppene Bréif un den Escher Schäfferot

„Et dierf een dofir gespaant sinn, ob e weidert eenzegaartegt industriellt Gebai wéi d'Keeseminnen zu Esch dës Kéier mat Zäite klasséiert gëtt an domat en Zeeche géint de baulesche Vandalismus zu Lëtzebuerg gesat gëtt.“

Dës Wierder hat den Historiker a Vizedirekter vum *Centre for Contemporary History (C2DH)* Denis Scuto a sengem fréie Mikro den 6. März 2020 iwwert de kulturelle Patrimoine zu Lëtzebuerg gesot.

E puer Deeg méi spéit, hunn den Denis Scuto, Dan Cao, Gino Pasqualoni, Jacques Maas, Do Demuth an Henri Clemens eng „Demande de protection“ beim Kulturministère agereecht. D'Ministesch Sam Tanson huet d'Receptioun vun dëser Demande den 1. Abrëll 2020 bestätegt.

26 Deeg méi spéit, den 27. Abrëll huet Arcelor Mittal – am Aklang mat der Escher Gemeng an IKO Real Estate der Firma vum Bauhär Eric Lux – ugefaangen „d'Keeseminnen“ ofzerappen. Dëst ouni d'Escher Bierger ze informéieren, an och an der kommunaler Bautekommissioun war d'Ofrappe vun dësem historiesche Patrimoine keen Thema. Am Escher Gemengerot gouf nach keen spezifeschen PAP (plan d'aménagement particulier) gestëmmt an dem Escher Bierger ass nach ëmmer kee Masterplang fir dësen, fir d'Industriegeschicht esou wichtege Site, virgestallt ginn. Och e Mobilitéitskonzept, dat wichteg ass fir d'Bierger aus dem Hiehler Quartier aus hirer Enclave ze befreien oder de Plateau Barbour mam neie Quartier ze verbannen, ass nach ëmmer net presentéiert ginn.

Et gesäit also ganz staark duerno aus, wéi wann déi Responsabel den „État de crise“ dofir genotzt hätten, fir sech engem vun den Häerzstécker vum Site, den „Keeseminnen“, ze entleedegen!

Am neie „projet de loi“, deen den 30. August d'lescht Joer déposéiert gouf a fir dee just nach den Avis vum Staatsroot feelt, stinn nämlech 15 Authentizitéitkritèren, ënnert deenen e „Bien immeuble“ muss een Deel erfëllen, fir als schützenswäert klasséiert ze ginn. Wann ee sech dës 15 Critèren ukuckt, mierkt een, dass „d'Keeseminnen“ eng ganz Rëtsch dovun erfëllen. Do wäeren zum Beispill d'Critèren vun der lokaler, industrieller a sozialer Geschicht, vun der Typologie oder der Raritéit, fir der nëmmen e puer ze nennen.

Niewt den Denkmalschutzgrënn, hunn „d'Keeseminnen“ awer och e groust urbanistescht Potential a kéinten, wéi an de leschte Wochen a Méint ëmmer erëm virgeschloe gouf, als Wunnengen, Geschäfte oder als Gare ëmfunktionéiert ginn. Den Hiehler Quartier mat senge fréieren Aarbechterkolonien, déi allebéid historesch esou enk mat der Äerzbunkeranlag a mam Site Terre-Rouge verwuess sinn, kéint ee mat e bëssche Phantasie besser mam neie Quartier a mam Rescht vun Esch verbannen.

„Il faut arrêter le marteau qui mutile la face du pays“ hat de Victor Hugo 1823 a sengem Pamphlet geschriwwen, 154 Joer duerno, gouf d'Héichuewenanlag vun Terre Rouge ausser Betrib gesat.

An deem Sënn fuerdere mär:

En direkte Stopp vun der Demolitioun vun de „Keeseminnen“.

En Moratoire, bis dass d'Escher Bierger en Masterplang virgestalt kritt hunn an deem mat hinnen diskutéiert ginn ass.

En openen Debat iwwert den industriellen Patrimoine vun der Stad Esch.

Lëscht vun Signatairen:

Idustriekultur-CNCI  
Mouvement Patrimonial asbl  
Sacha Pulli  
Denis Scuto  
Guy Wilmes  
Clemens Henri  
Jacques Maas  
Jhemp Hoscheit  
Michel Clees  
Théid Johanns  
Jean Huss (Muck)  
Vera Spautz  
Ed Maroldt  
Miloš Todorovic  
Guy Helminger  
Marc Baum  
Francis Hengen  
Jemp Barboni  
Do Demuth  
Steve Faltz  
Romain Bouschet  
Sowa André

Luc Laboulle  
Paul Biel  
Dan Cao  
Sergio Sardelli  
Michelle Cloos  
Mike Hansen  
André Gilbertz  
Michael Jorge Pereira  
Boris Molitor  
Christophe Dublin  
Nando Pasqualoni  
Marlène Kreins  
Misch Feinen  
Claude Roeltgen  
Olga Cajide Doval  
Simone Beck  
Luciano Pagliarini  
Lynn Reiter  
Guy Assa  
Pol Ewen  
Stephane Biwer  
Jerome Reuter  
Alain Emering  
Joelle Pizzaferrri  
Laura Caregari